

太平縣志卷第七

世代志

世遠年湮古人之陳迹今人之奇賞也而天之所垂地之所出聖人謹焉作世代志

都邑

邑治南二十五里為古晉城乃獻公始遷之地襟姑射帶河汾文公之霸實於是基焉舊志殊疎爰考春秋列國圖說左氏傳司馬史參互次第節述其故而八十五年之事庶燦然在目矣

太平縣志

卷之七

周成王封叔虞于唐居古大夏實沈之墟參之分野謂之太原亦曰晉陽在河汾之東北地方百里而都於翼唐叔子變徙人居晉水傍是為晉侯晉侯子寧族為武侯武侯子服人為成侯成侯子福為厲侯厲侯子宜曰為靖侯靖侯之十七年即周共和之十一年卒子釐侯司徒立十八年卒子獻侯籍立十一年卒子穆侯費王自立晉陽徙成都絳七年伐條生太子仇十年伐千畝有功生少子成師二十七年卒弟殤叔自立太子仇奔四年太子仇襲殤叔而立為文侯三十五年卒子昭侯伯立元年封文侯弟成師于曲沃號桓叔曲沃邑大翼晉君都邑也七年晉大臣潘父弒昭侯而迎曲沃桓叔桓叔欲入晉晉人發兵攻之桓叔敗還晉人立昭侯十五年莊伯弒孝侯于翼晉人攻之鱣代是為曲沃莊伯十五年莊伯弒孝侯于翼晉人攻之莊伯復入曲沃晉人立孝侯子郟侯鄂侯六年卒曲沃莊伯興兵伐晉周平王使虢公將兵伐莊伯莊伯走保曲沃晉人立鄂侯子光為哀侯二年莊伯卒子稱代是為曲沃武公九年曲沃武

公伐晉於汾旁虜哀侯晉人乃立哀侯子小子爲小子侯元年曲沃武公殺哀侯四年曲沃武公誘小子侯殺之周桓王使虢仲伐曲沃武公人于曲沃乃立哀侯弟緡爲晉侯二十八年曲沃武公伐晉侯緡滅之盡以其寶器賂周釐王王使虢公命曲沃武公以一軍爲晉侯武公已卽位三十七年矣更命曰晉武公始都晉代晉二歲凡三十九年卒子詭諸立是爲獻公五年伐驪戎得驪姬驪姬弟俱愛幸之

晉獻公九年用士蔦謀盡殺故晉之群公子而城聚都之

命曰絳始都絳 十年公將伐虢士蔦諫不可 十一

年夏使太子申生居曲沃重耳居蒲夷吾居屈群公子皆鄙唯二姬之子奚齊卓子在絳 十六年作二軍公

將上軍太子將下軍滅耿滅霍滅魏還爲太子城曲沃

太平縣志

卷之七

二

十七年使太子伐東山臯落氏 十九年荀息請以

屈產之乘與垂棘之璧假道于虞以伐虢 夏里克荀

息帥師會虞師伐虢滅下陽 二十一年驪姬謂太子

曰君夢齊姜必速祭之太子於是祭曲沃歸胙于公公

獵姬實諸宮六日公歸毒而獻之公祭之地地墳與犬

犬斃與小臣小臣斃姬泣曰賊由太子太子聞之奔新

城十二月戊申縊于新城二公子時在朝姬遂譖曰太

子藥胙二公子皆知之二公子聞之恐重耳奔蒲夷吾

奔屈 二十二年使寺人披伐蒲重耳曰君父之命不

由此觀之可見計關儲二不必君父實有他念顯有別圖始足貽亂惟當機寡斷反汗靡常卽足基國家之隱憂不小也皇上味古人之言決今日之策尚可猶豫徘徊而不爲久安長治慮哉况男女之欲及時而開父母之心推情而體豈以萬秉之子體克氣旺之日好速在望鼓瑟未調竊恐怨□久而展側爲勞鬱結深而情神鮮暢此自關皇上大性之愛又無佞于臣等之曉曉也臣等待罪掖垣分□力諍邇僅附名公疏則以旦夕靜俟之□

可信可待恐冒激阻之嫌耳乃今時已往矣望已負矣抑豈敢效尤將順首鼠兩端辱朝廷糾繩之司誤國家宗社之計哉伏乞皇上虛心省納銳意蚤行毋爽成命以駭中外之心毋泥曲說以來讒慝之口將冊立冠婚諸禮亟勅所司刻日并行庶國本固於苞桑聖胤綿於瓜瓞三代有道之長不將復覩於今日也哉臣等干冒宸嚴無任隕越待命之至

衍嗣欲昌未有不自蚤諧伉儷始者今皇長子二十齡矣冊立之期已過十年冠婚之期亦越五載皇上試想今日宗廟社稷大計纘承啟佑良謀事尙有重於此者乎情更有切於此者乎胡乃屢旨雖明竟無一踐且近於舉朝公請俱留中不報卽間有別諭亦復以必不能完之珠寶爲詞是上之意益不可知而下之情益不敢信矣夫上不可知則窺伺之端也下不敢信則逢迎之漸也有窺伺將有覬覦有覬覦將有陵逼有逢迎將有黨附有

黨附將有讒構啟釁釀變臣等雖不敢盡言然古之名臣則嘗言之矣昔楚共王不蚤定世子屈建曰楚必多亂一兔走於街萬人追之一人得之萬人不走分未定則萬人皆爭分已定則貪夫知止今楚多庶子而世子不定亂自此生矣又宋仁宗不蚤建太子司馬光曰向者臣進豫建太子之說今寂無所報此必有小人言陛下春秋鼎盛何遽爲此不祥之事小人無遠慮特欲倉卒之際立其所厚善者耳定策國老門生天子之禍可勝言哉

四年冬楚子及諸侯圍宋宋公孫固來告急 公蒐于
被廬作三軍命郤穀將中軍郤溱佐之狐毛將上軍狐
偃佐之欒枝將下軍先軫佐之荀林父御戎魏犇爲右
五年春公將伐曹假道于衛弗許還自南河濟侵曹
伐衛二月郤穀卒原軫將中軍胥臣佐下軍衛侯出居
襄牛楚人救衛三月丙午入曹宋人使門尹般來告急
公從先軫謀執曹伯分曹衛之田以畀宋人楚子玉使
宛春來告於師曰請復衛侯而封曹臣亦釋宋之圍公
復用先軫謀拘宛春於衛且私許復曹衛曹衛告絕于

楚子玉怒從晉師公以楚惠退三舍楚衆欲止子玉不
可夏四月戊辰公及宋公齊國歸父崔夭秦小子憇次
于城濮楚師背鄗而舍己巳及楚合戰楚師敗績我師
三日館穀及癸酉而還甲午至于衡雍王下勞公作王
宮于踐土鄭伯使子人九行成五月丙午公及鄭伯盟
于衡雍丁未獻楚俘於王己酉王享醴命公宥王命尹
氏及王子虎內史叔興父策命公爲侯伯賜之大輅之
服戎輅之服彤弓一彤矢百旅弓矢千秬鬯一卣虎賁
三百人曰王謂叔父敬服王命以綏四國糾逖王慝公

三辭從命曰重耳敢再拜稽首奉揚天子之不顯休命
受策以出癸丑公及魯侯齊侯宋公蔡侯鄭伯衛子莒
子朝于王所遂盟于踐土陳侯來會六月復衛侯師還
壬午濟河七月丙申振旅愷以入獻俘授馘飲至大賞
徵會討貳民於是大服 冬公會諸侯于温天王狩于
河陽遂率諸侯朝王于踐土執衛侯歸之京師諸侯圍
許公有疾乃復曹伯遂會諸侯于許 作三行 七年
九月甲午公及秦伯圍鄭 八年秋蒐于清原作五軍
九年春楚鬬章來請平使陽處父報之 冬十二月

己卯公薨子驪立是爲襄公庚辰將殯于曲沃出絳柩
有聲如牛卜偃使大夫拜曰君命大事將有西師過軼
我擊之必大捷焉

晉襄公元年夏四月辛巳公墨衰經及姜戎敗秦師于穀
獲百里孟明視西乞術白乙丙以夫人言釋之癸巳遂
墨以葬文公晉於是始墨 狄伐我及箕八月戊子公
敗狄于箕卻缺獲白狄子先軫死之 及陳鄭伐許
二年文公之季年諸侯來朝衛成公不至公旣祥使告
于諸侯而伐衛及南陽先且居曰效尤禍也請君朝王

臣從師公朝王于温先且居胥臣伐衛五月辛酉朔圍
戚六月戊戌取之秋疆戚田 三年春秦孟明視帥師
伐我以報殽之役二月公禦之甲子及秦師戰於彭衙
秦師敗績 冬先且居及宋公子成陳轅選鄭公子歸
生伐秦取汪及彭衙而還以報彭衙之役 四年秦伯
伐我取王官及郊我不出 五年公伐秦圍邠新城以
報王官之役 七年春蒐于夷舍二軍改蒐于董使趙
盾爲帥趙盾於是乎始爲國政 八月乙亥公薨太子
夷臯少趙盾以難故欲立長君使先蔑士會如秦迎公

子雍 冬十月葬襄公

晉靈公元年秦師送公子雍穆嬴曰抱太子以啼于朝出
朝則抱以適趙氏盾與諸大夫皆患穆嬴且畏偁乃立
太子夷臯爲靈公以禦秦師戊子敗秦師於令狐至于
刳首己丑先蔑奔秦士會從之 二年秦伐我取武城
以報令狐之役 四年春伐秦取少梁 夏秦伯伐我
取北徵 六年冬秦伯以令狐之役故伐我取羈馬我
禦之秦師夜遁 七年春公使詹嘉處瑕以守桃林之
塞得士會 八年六月癸酉趙盾及諸侯同盟于新城

趙盾以諸侯之師八百乘納捷菑于邾以邾人辭直弗克納而還 九年六月卻缺帥師伐蔡戊申入蔡冬公會諸侯于扈謀伐齊也 十一年公蒐于黃父復會諸侯于扈平宋也 十三年趙盾帥師救陳宋會于棐林以伐鄭也 冬趙穿侵崇 十四年秦師伐我以報崇也 公侈趙盾 諫公欲殺之盾出奔秋九月乙丑趙穿弑公于桃園盾未出山而復使趙穿逆文公子黑臀于周而立之是爲成公

晉成公元年公伐鄭倍我故也 三年荀林父救鄭伐陳

四年春趙盾及衛孫免伐陳 秋赤狄伐我圍懷及邢丘 五年赤狄侵我取向陰之禾 六年春及白狄平 夏會白狄伐秦獲秦謀 七年九月公會諸侯于扈陳侯不會荀林父以諸侯之師伐陳公薨于扈乃還子據立是爲景公 冬卻缺救鄭敗楚師於柳棼 晉景公元年冬士會救鄭逐楚師於潁北 二年秋公會狄于攢函衆狄服也 三年夏六月救鄭及河聞楚已服鄭荀林父欲還先穀不可遂濟及楚子戰于邲我師敗績 四年秋赤狄伐我及清先穀召之也 冬討邲

之敗與清之師歸罪於先穀而殺之 五年夏公伐鄭以邲故也告於諸侯蒐焉而還 六年六月癸卯荀林父敗赤狄于 辛亥滅潞以潞子嬰兒歸 七年春士會帥師滅赤狄甲氏及留吁鐸辰三月獻狄俘 冬公使士會平王室 八年春公使卻克徵會于齊齊婦人笑之克怒歸 九年春公及衛太子臧伐齊至于陽穀齊侯會公盟于繪以公子疆爲質師乃還 十一年六月衛孫桓子魯宣叔來乞師公許之七百乘卻克請八百乘許之癸酉及齊戰于鞍齊師敗績 十二年十

二月甲戌作大軍 十四年公會諸侯盟于蟲牢鄭服也 十五年公用韓厥之謀四月丁丑遷都於新田 舊志吾邑古無可名不過曰陶唐爲帝畿地周初爲侯畿地夫其爲帝畿侯畿何止平邑史記晉獻公九年城聚都之命曰絳賈逵曰聚晉邑則本聚邑獻公更其名曰絳耳太史公龍門人以晉紀晉耳目自審賈景伯爲汝南許慎古學之師安有疑者或曰據左傳獻八年城聚九年城絳今絳縣志有車廂城謂晉城聚處群公子之所然則司馬子長竟未讀左氏傳者耶

申生

獻公世子公嬖驪姬將黜申生立其子奚齊

下軍以伐霍士蔦諫不聽遂行克霍而反驪姬乃復以

公命祀齊姜申生歸福因實毒以告公遂殺其

傳杜原款申生奔新城或謂申生子辭民必辨焉申

侯命既而驪姬見申生而哭之申生遂雉經于新城

士蔦

字子輿陶唐氏裔也歷虞夏商周成王遷之於

為士氏獻公六年公患桓莊之族逼以問士蔦士蔦

與群公子謀富子而去之七年又與群公子謀殺游

氏之二子八年士蔦使群公子盡殺游氏之族乃城

太平縣志

卷之七

十

里克

晉大夫獻公使為太子申生傅驪姬將害太子

克奈何以從之飲酒也言無郵驪姬許諾乃具

使優施飲里克酒中飲優施起舞謂之吾妻曰主孟

我我教茲暇豫事君乃歌曰暇豫之吾吾不如烏

為人皆集於苑已獨集於枯里克笑曰何謂苑何謂

枯優施曰其母為夫人其子為君可不謂苑乎其母

既死其子又有謗可謂枯乎朝三旬而難作太子

克辟奠不餐而寢明日稱疾不朝三旬而難作太子

奔新緝于廟又告卒奚齊立為君里克於將弒奚齊

卓子及姬而請君於秦秦人納公子夷吾是為惠

公雖然子弒二君一大夫矣為子君者不亦難乎對

曰不有廢也君何以興欲加之罪其無辭乎臣聞命

矣伏劍而死於是不

鄭聘於秦故不及

郭

偃

曰事獻公為大夫惠公改葬共世子臭達於外惡

滋章夫人美於中必播於外而越於民實戴之惡

亦如其故行不可不慎也或知之民四年君之冢

嗣其替乎其數告於民矣公子重耳其光耿於民矣數

於民矣若入必伯諸侯以見天子重耳其光耿於民矣數

言之紀也魄意之術也光明之耀也紀言以叙之述

意以導之明耀以炤之不至何待欲先導者行乎將

至矣文公入問偃曰始也吾以爲難其易也難對曰

君以爲易其難也將至矣君以爲難其易也難對曰

子丙使夷吾重賂秦以入是爲惠公卒懷公立

秦納文公懷公奔賂秦以入是爲惠公卒懷公立

殺文公於王城既而公宮火瑕甥冀芮不獲公乃潛會

河上穆公誘而殺之

太平縣志

卷之七

狐

突

公字伯行其先本唐叔之後在戎狄者爲狐氏獻

突以狐姬故事晉爲大夫獻公使傅大子申生公使

戎嘆曰時事之徵也衣身之章也純用其衷則佩之故敬

其命則時卒闕其事也衣之純服遠其躬也佩以金

玦棄其衷也服以遠之時以闕之虺涼冬殺金寒玦

離胡可恃也太子敗之而還既而讒死惠公卒懷公

命無從亡人期而不至無赦突之子毛及偃從重

耳在秦弗召懷公執突曰子來則免對曰子之能仕

父教之忠古之制也策名委貳乃辟也今臣之子

名在重耳有年數矣若又召之教之願也淫刑以逞

何以事君刑之年不濫君之明也臣之願也淫刑以逞

誰則無罪臣聞命矣伏劔而死

狐

偃

逐字子犯驪二既讒殺太子申生復譖二公子將

賈子射姑父字季佗食邑於賈曰

先軫

晉大夫食采於原亦曰原軫文公四年楚成王

曰報施救患取威定霸於是乎在矣明年卻縠卒先軫自下軍佐超將上軍楚圍宋使門尹般來告急公曰宋人告急舍之則絕告楚而不許我執曹君而分曹衛之田以賜宋人楚愛曹衛必不許也喜賂怒頑能無戰乎公說遂入曹執曹伯分曹而封曹臣亦釋宋人之圍子犯曰春告於晉曰請復衛臣取二不可失也先軫曰子與之定人之禮何謂禮一言而定三國我一言而亡之我則無禮何以戰乎不許楚言是棄宋也救而棄之謂諸侯復有三施我有三怨怨讎已多將何以戰不如私許復曹衛以攜衛之私春以怒楚既戰而後圖之公說乃從晉師於

獻公卒里克使告公子求入而納之公子以告子犯弔公子之憂又重之以喪寡人聞之得國常於喪時不可失喪不可久公子其圖之重耳告國常於喪時不可失喪不可久公子其圖之重耳告子犯子犯曰不可亡人無親信仁以為親秦人遂納公子夷吾惠公七年重耳去狄之齊過衛文公不禮過曹過鄭俱不禮焉及楚楚成王饗之公子辭弗讓子玉請殺之成王曰晉公子廣而儉文而有禮其從者肅而寬忠而能力晉侯無親內外惡之吾聞姬姓唐叔之後其後衰者也其將由晉公子乎天將興之誰能廢之違天必有咎乃送諸秦穆公遂納之及河子犯以璧授公子曰臣負羈縻從君巡於天下臣罪多矣臣猶知之而況君乎請由此亡公子曰所不與舅氏同心者有如此水投其璧於河遂濟入於晉師遂入於曲沃是為文公四年楚伐宋文公率齊秦之師以救宋次於城濮文公夢與楚子搏楚子伏已而盥其腦子犯曰吉我得天楚服其罪吾且柔之矣既戰大敗楚師於城濮文公歸行賞以偃為首

師爲之退三舍次於城濮子玉使勃請戰公許之乃登有莘之虛以觀師曰少長有禮其可用也遂伐木以益其兵晉師陳於莘北胥臣以下軍之佐當陳蔡子西將左師上將右胥蒙馬以虎皮先犯陳蔡陳蔡奔楚右師潰狐毛設二旆而退之欒枝以輿曳柴而僞遁楚師馳之原軫卻縠以中軍公族橫擊之狐毛狐偃夾攻子西楚左師潰楚師敗績文公策命於王爲侯伯先軫之功也襄公卒襄公立秦師將襲鄭先軫曰秦違蹇叔而以貪勤民天奉我也敗秦師於穀獲三帥以歸文嬴請三帥曰彼實搆吾二君寡君若得而食之不厭君何辱討焉使歸就戮於秦以逞寡君之志若何公許之先軫怒曰武夫無日矣不顧婦人暫而免諸國墮軍實而長寇讎亡無日矣不顧而唾及狄伐晉公敗狄於箕先軫曰匹夫逞志於君而無討敢不討乎免胄入狄師死焉狄人歸其元面如生公命其子居將中軍

介子推

文公之微臣也始文公爲公子出亡從者五人既歸而卽位群臣多自以爲功推竊耻之文

太平縣志

卷之七

十三

之元年秦送文公至河舅子犯文公而與之盟時推從在船中笑曰天實開公子犯文公而與之盟時推於君固是羞也吾不忍與同位乃自隱母曰亦使知之若何對曰言身之文也與身欲隱安用文之文之是求顯也其母曰能如此乎與女偕隱至死不復見推從者憐之乃懸書宮門曰龍欲上天五蛇爲輔龍已上天四蛇各入其宇一蛇獨怨終不見處所文公出見其書曰此介子推也吾方憂王室未圖其功使人召之則亡遂求所在聞其入縣上山中於是文公環縣上封之以爲介推田號介山曰以記吾過且旌善人

胥

臣

字季子食邑於白曰季官司空又曰司空季子獻公之二十一年從公子重耳奔狄文公立

以季子爲卿代先軫佐下軍文公嘗學書於季子三日曰吾不能行也咫聞則多矣對曰然而多聞以待猶能者不愈也

魏

雙

父曰畢萬畢公高之後萬事獻公為大夫獻公賜之魏故以魏為氏文公為子出亡雙嘗從

之及文公誅不禮于曹且今無入僖負羈之宮免其

族以報盤殮之惠雙傷于胸公欲殺之而愛其材使問

且有僖負羈氏傷于胸公欲殺之而愛其材使問

荀林父

字伯文公時為戎御文公五年作三行以禦狄

為政楚子入鄭六月晉師救鄭林父將中軍先穀佐

括趙嬰齊為中軍大夫韓厥為司馬及河聞鄭既及楚平

趙同為下軍大夫韓厥為司馬及河聞鄭既及楚平

林父欲還曰無及於鄭而勤民焉用之楚歸而動不

太平縣志

卷之七

十四

謂林父曰彘子以偏師陷子罪大矣子為元帥師不

濟及戰晉師敗于邲林父歸而請死晉侯使復其位

士

會

字季食邑於隨及范故稱隨季或稱范季焉文

之左旃祁瞞干命司馬殺之以狗於諸侯使茅茷代

獻俘授馘飲至大賞徵會討貳殺舟之僑以狗於國

民於是大會與謀焉襄公卒趙孟謀立公子雍於國

先蔑及會如秦逆雍趙孟背先蔑立靈公潛師夜起

會也使魏壽餘偽以魏叛者以誘會歸景公七年春

請於王以戮冕命會將中軍且為太子傅卒謚武子文

子變初卻克之怒齊也誓欲報之武子乃請老卻文

庾子為政文子退朝而暮也吾知三焉武子對曰有秦客

非不能也讓父兄也爾童子而三掩衆於朝吾不在
晉國亡無日矣擊之以杖郤子伐齊師勝而反文子
後入武子曰無爲吾望爾也乎對曰師有功國人喜
以逆之先入必屬耳目焉是代師受名也故不敢武
子曰吾知免矣故文子
爲政有令名晉國賴之

陽處父

楚鬪辛請平於晉公孤卿謂之陽太傅文公九年
交始於此襄公七年蒐于夷作三軍使孤射姑將中
軍趙盾佐之處父至自温改蒐于董易中軍陽子成
季之屬也故黨於趙氏且謂趙盾能曰使能國之利
也是以上之襄公薨靈公少趙孟欲立公子雍賈季
曰不如公子樂使召公子樂於陳趙孟使殺諸郟賈
季怨陽子之比於趙孟且易其班也而知其無援於
晉使續鞫居殺處父趙孟
於是殺鞫居賈季奔狄孟

郤缺

芮子也初曰季使過冀見缺耨其妻饁之相待
如賓與之歸言諸文公曰敬德之聚也能敬必

太平縣志

卷之七

十五

有德德以治民君請用之文公以爲下軍大夫襄公
二年晉伐衛取其地今已睦矣可以歸之叛而不討何以
不睦故取不柔何以示懷非懷何以示德無德
示威服而不柔何以示懷非懷何以示德無德
何以主盟子爲正卿以主諸侯而不務德將若之
何宣子說之成公六年趙盾卒缺爲政卒謚成

知瑩

知莊子荀首之子林父之季弟也莊子別食知
邑故別稱知氏景公二年楚人鄭既成而去

之桓之帥師救鄭欲還彘子不可莊子曰此師殆哉
既濟而戰遂敗績楚熊負羈囚瑩以歸莊子射連尹
襄老獲之遂載其尸射公而歸王與襄老之者十
一年莊子佐中軍欲因鄭而歸王許之明年歸瑩于晉
求瑩所善鄭皇戌言之于楚王許之明年歸瑩于晉
王送之曰子其怨我對曰二國治戎臣不才不勝于其
任以爲俘馘執事不以釁鼓使歸就戮君之惠也臣
實不才又誰敢怨王曰然則德我乎對曰二國圖其
社稷而求紓其民各懲其忿以相宥也兩釋纍囚以
成其好二國有奸臣不懲與及其誰敢德王曰子歸何

以報我對曰臣不任受怨君亦不任受德無怨無德
不知所報王曰臣雖然必告不穀對曰君之靈纍臣
得歸骨于晉寡君之外臣首首其請于寡君而君惠而
免之以賜君之獲命而使嗣宗職次及于死而帥
亦死且不朽疆雖遇執事其弗敢違其竭力致死無
偏師以修封疆雖遇執事其弗敢違其竭力致死無
有二心以盡臣禮所以報也王曰晉未可爭
重為之禮而歸之禮後代韓厥為政卒謚武

樂

書

公族也靖侯孫樂寶食邑于樂故以為氏世為
鄉景公三年書佐下軍從荀林父救鄭十一年
書為下軍將從郤克伐齊十

解

揚

字子虎晉大夫也景公六年楚圍宋人使樂
嬰齊來告急公欲救之伯宗不可告且待之乃
使揚如宋使無降楚曰晉師悉起將至矣鄭人囚而
獻諸楚楚子厚賂之使反其言不許三而許之登諸
樓車使呼宋人而告之遂致其命楚子將殺之使
與之言曰爾既許不穀而反之何哉非我無信女則

太平縣志

卷之七

棄之速即爾刑對曰臣聞之君能制命為義臣能承
命為信信載義而行之為利謀不失利以衛社稷民
之主也義無二信無二命君之許君以成命也受
命以出有死無實又君可賂乎臣之許君以成命也受
而成命臣之祿也寡君有信臣之許君以成命也受
死又何求楚子舍之以歸晉爵之為上獲考

伯

宗

晉大夫孫伯糾之子也景公十四年梁山崩公
以傳召伯宗遇大車當道而覆立而避之曰避
傳曰傳為速也若俟吾避則加遲矣不疾而行
伯宗喜問其居絳人問絳事焉曰梁山崩將召
伯宗謀之問將若何曰山有朽壤而崩可若何國
主山川故山崩川竭君為之不舉降服乘縵徹樂出

郤

克

成子之子也嗣成子佐上軍景公八年使克徵
會於齊齊頃公以子也嗣成子佐上軍景公八年使克徵
若之何伯宗請見之不可遂以告而從之宗
次祝幣史辭以禮焉其如此而已雖伯宗
歸請伐齊於房克怒出而誓曰所不報無能涉河請克

老克代為政十一年衛孫桓子魯臧宣叔以戰敗怒于齊皆來乞師同主於克公許之七百乘克曰此城濮之賦也有先君之明與先大夫之肅故捷克於先大夫無能為役請八百乘許之克將中軍士燮佐上軍欒書將下軍韓厥為司馬以救魯衛六月及齊師戰於齊將下軍績逐之三周華不注韓厥中御而從齊侯幾獲之逢丑父與公易位故免齊侯使賓媚人賂以紀甗玉磬與地不可則聽客之所為賓媚人致賂克不可曰必以蕭同叔子為質而使齊之封內盡東其畝使臣辭克許之及齊國佐盟於袁婁師還明年齊侯朝於晉將授玉克趨進曰此行也君為婦人之笑辱也寡君未之敢任卒謚獻

仕國之仕非盡仕國之產然既有事斯土則其人固不可湮也節擷片嫩蓋曰一事傳則一人傳一人傳則不

祇一事傳云爾

太平縣志

卷之七

古蹟

古晉城 在縣南二十五里城故址周圍九里十三步晉獻公都此左氏曰士蔦城絳以深其宮史記曰獻公

城聚都之命曰絳始都絳

晉圈羊城 址在縣東南三十里永固村

屠岸賈城 址在縣東南二十五里

九層臺 在古晉城東晉獻公為驪姬二子築九層臺以為觀荀息諫曰臣能累十二棋子加九卵於其上公

曰危哉息曰不危公遂止其役今其遺址建涼馬寺不織亦甚危矣公遂止其役今其遺址建涼馬寺

關雞臺 在縣南三十里楊威村晉公子關雞處

公孫杵臼室 在縣西北二十五里盤道北二十

韓厥旗架

廟在縣西六里厥店

三室之邑

攘羊舌職好直不容于晉去而之三室之邑人

之乃盛以麇埋墟陰及攘羊事敗吏至發而視之舌

尚在吏曰君子哉羊舌子不與攘羊矣故茲地今名

白波壘

巾在縣東南三十五里永固村漢靈帝中平六年黃

亦滅壘

子奇壘

征虜將軍率四萬人伐魏攻平陽陷之遂據此壁

魏軍大至截汾水以守之子奇大敗投汾水其將

蒙坑

前代用兵每以此為奇險之地今南北數十里坦然後

太平縣志

卷之七

十八

有邨皆以蒙名猶想見昔時之險陷難度陰森駭人

也前輩有言曰蒙坑今可名為蒙亨矣噫是可遽言

太平古城二

一在縣北二十五里今為古城鎮其北即古

者今改為北故縣

文中子土龕

讀在縣東南汾水之西龍門溝北昔文中子

白牛溪

唐史稱王文中居白牛溪教授門人甚衆今邑東

中雖溪流已絕而流水故跡蜿蜒可尋其傍又有文

此即

飲馬路

在縣東五里昔尉遲敬德飲馬於汾故有此路今

龍谷水 在縣南三十五里南柴村經流
絳州左傳云龍見絳郊卽此

寺觀

浮屠老子之宮所在林立安得快舉如梁公其人者乎

有賜額則書存賜額也有勝跡則書存勝跡也或有官

署或有碑記亦所以存也否則按其名而類記之示裁

也

慈氏院

於內縣城內西南隅明正統十四年南康廂毛大鵬張寵猷

募修其一在縣西南二十里南王村元皇
慶三年重修內有轉輪藏及佛經甚多

涼馬寺

臺在縣東南二十五里北柴村東卽晉獻公九層
遺址漢永平年間建宋嘉祐七年賜今額

太平縣志

卷之七

十九

善惠寺

二在縣西八里北膏腴內有塔北齊天統
二年建初名敬屈宋嘉祐八年賜今額

雲壽寺

果在縣東北十五里連村後梁貞明三年建初名遠
賈岡村元至元年間建今額又一在縣西南十五里

王登魁主修子進士錫韓有記順治十八年邑儒士
余邑雲壽寺告成是役也始於順治之十八年先是

寺傾圯有日矣家大人憫焉爰董修之而其勦厥事
者則余族等若而人及南北院等若而人計工自寶

相莊嚴而外重葺正殿三殿三東西廡各五環牆
以磚甃之又新增北廊五南左房一右門樓一凡

木工匠之費約四百金有奇閱七載工迺竣遂屬
爲文以記之余惟釋氏之教奚自來乎天下道一而

已矣其人則士農工商也其習則禮樂射御書一而
其倫則君臣父子夫婦昆弟朋友之交也然則釋氏

之教又自來乎論之賞罰者帝王之權也釋氏
正而道以行衆匹夫聖賢之愚每有權所不及施教

以天下人之衆匹夫聖賢之愚每有權所不及施教

所不及勸而洗心滌慮反怵然于釋氏因果之說此
何以故蓋教有以旁出者譬之柑栗橘柚其味相反而皆適
也教有以家大人暨諸執事年且髦其與人為善之
於口也今家大人暨諸執事年且髦其與人為善之
心無地不存而何其相於身後之相相既夫不然
佛之身且有崇身後之相非佛鄉之人亦得此意大干
而又有何於者是佛又何者非佛鄉之人亦得此意大干
世界之中何者是佛又何者非佛鄉之人亦得此意大干
存之將履其地而善興不履其地而善亦興有無待
入廟而思敬者是則家大人與人為善之心也其於
聖天子及良有司化民成俗之
意或少有裨乎於是乎書

慈蔭寺

在縣東北十八里柴王村明萬曆間勅額貯
有藏經及欽賜衣鉢并頌藏御牌旗棍之屬

永慶院

在縣東十五里南賈村金昌明三年建明初村舍
俱火此院巋然獨存國朝順治十年重修進

士李弘敏有記余莊之有永慶院初不知其創于
何代也有鐘焉甚古其聲宏以越銘鑄元人姓氏故

太平縣志

卷之七

老相傳以為建自金昌明三年而元其繼之者也然
院之西多柏奇崛作虬龍狀識者以為唐元和間物
院之建實自此始理或然也歷年既久重修者不一
二次求其厥宇廓基而功德為最盛者則明弘治年
間之住持僧曰惠鸞也嗣是風雨兩閱百餘載而
鄉之人始有修舉之議鳩其工蓋自明崇禎十年起
也若夫因其舊而擴之者則法伽藍二殿也鐘樓也
從其新而肇興之者則護伽藍二殿也西兩廊
各三間也窟二孔也門樓一座也至于金粧寶
莊嚴具足者則諸佛菩薩前後兩堂也羅漢護法二
皇清順治之十六年也董其役者誰休而落成之日是為
明慈為余言事之遂實惟諸檀越之力是不可無以
記之也噫記之者志實也志其時志其人志其事足
矣至於說之者無則置之存
而不論之說之者無則置之存

準提菴

在縣慈氏院東國朝康熙十九年知縣吳
軫住持僧照明募緣王邦泰王弘述督工

福緣菴在縣北十里舖

善慶菴在縣南七里溝渠頭橋上二菴俱施茶處

長春觀在縣北關廂明正統十三年重修置道會司於內

真遊觀在縣東四十里伯皇村西中多柏其紋旋紐皆千百年物殿前一株甚茂幹分三枝號三清柏相傳

唐天寶八年四月一日東北村王叟種瓜於陽坡方治苗忽見一道人紫衣金冠貌甚偉自東南來向叟

索瓜叟曰方今初夏安得有瓜道人指云此瓜已熟何言無也叟隨所指視之即有二瓜其香倍異道人

進長安上賞之仍命於瓜所建觀額曰真遊

修真觀在縣南關西高阜處殿壁間人物元朱好古筆精妙入神有鐘傳聲聞百里今聽三十里外

天壽觀在縣汾東東北村唐賜額即今之南壇也八卦攢頂木不加斲俗傳為魯班所造

太平縣志

卷之七

至于故縣之善惠寺史威之普淨寺古城之聖壽寺柴寺之普照寺西牛之廣教寺吉村之廣化寺西毛之華嚴寺南膏腴之福建寺荀董之崇福院縣西北二十五里之靈巖院萬故縣之龍泉院申村之玉泉院焦彭之文殊院相李之洪福院縣東北三十里之崇教院西安里及小趙之太平院三公村之普明院南毛之興教院西賈之清涼院上魯之洪濟院縣西門外之慈航洞縣西二里之家姑洞西毛溝之留雲洞縣西南十五里之太和洞縣西二十里之八仙洞盤道之子孫洞縣東南

之家村菴南關及柴王之保真觀縣西門外及南關之
長清觀西村之棲真觀姚村之洞微觀永固之天真觀
北李之言真觀相李之天元觀北故縣之全真觀德西
毛之太微觀上魯之太亥觀北柴之玉真觀俱民間之
膏血蚩蚩者誘惑以供簪荆野客之棲也存其名可矣

陵墓

古軒轅陵

在縣東三十里上魯村東汾河內有石棺以鐵束之隱見不時世傳以為軒轅棺云

伯益墓

在縣東四十里北社村有木一株枯久復生傳以為異

周趙宣子墓

在縣南十五里汾陽村

太平縣志

卷之七

二十二

程嬰墓

在縣西七里程公村

韓厥墓

在縣西七里厥店村

公孫杵臼墓

在縣西北十里三公村

李將軍墓

在縣西五里孝子村趙將李牧也明萬曆中奉文以墓傍地六十二畝三分五釐七毫為

學田其塚塋占地三畝九分七毫侵者有禁

漢絳侯墓

在縣東北七里郭店村漢太尉周勃也

隋文中子墓

在縣東南三十里萬王村北國朝康熙五十九年裴君錫捐地三分七釐六毫裴君寵

捐地一畝九分四釐七毫五絲王世龍捐地七分六釐八毫三絲永為墓田

唐鄭王墓

在縣東八里南李村南唐宗室李繼恩也明萬曆中奉文以墓傍地三十畝九分二釐五毫為

學田其塚塋占地三畝
三分二毫侵者有禁

甯府君墓

在縣北二十里相李村唐時人失其名

金李尚書墓

在縣西南七里名愈正隆間進士官刑部尚書封隴西郡侯為人慷慨尚志節在朝多所

建明卒謚清獻
著有狂愚集

元張府判墓

在縣東北十里北李村名懷英字世傑孝義傳中所載張利之子丰姿灑落鬚長尺餘好

學工詩有燕趙奇士之稱官
終成都府通判墓前有碑

毛元帥墓

在縣東二十里東張村元時人名貴

按舊志載毛墓而失記其名相傳元末將軍毛貴投誠于明後因陣亡勅葬此地據通紀毛貴作亂山東順帝至正十九年為其黨趙君用所殺彼時明祖征旗猶未北指里俗之傳似不足信否則先朝或另有

太平縣志

卷之七

二十三

毛貴其人者乎

明御史馬鸞墓

在縣南五里

知府馬聰墓

在縣南五里與父同塋編修亢思謙誌

同知李誠墓

在縣東南賈堡東一里在縣東南賈堡東一里

兵備李鉞墓

在縣東南賈堡東一里御史賀銳誌

封布政王應時墓

在縣西南七里大學士王家屏誌

戶部侍郎王體復墓

在縣南五里舖東萬曆四十三年勅建大學士方從哲誌

叅政郭萬里墓

在縣東上魯村北

少卿楊天民墓

在縣東十五里都御史程紹誌

同知張爾恕墓

在縣北十里中黃村西南

運使張光宇墓

在縣南二十五里晉城北
右春坊王祚遠誌其銘曰舒逸翩摩

天翔世德望嘉重光誰其踵之公頡頏有偉後先
聲琅琅秦關大旆入遐方燕寢清香逐海王持此冰

心矢上蒼所在尸祝媿庚桑金緋三世被龍章穀貽
孫子發長祥食報寧云涉查茫視余片碣千秋芳

叅政張雲翼墓

在縣東西張村南

主事盧以岑墓

在縣北三十里侯村北

副使張鯤化墓

在縣西北中黃村北

知府王椿墓

在縣南
戎政侍郎趙京仕誌

員外郭衛宸墓

在縣東北小張村北
刑部尚書白胤謙誌

太平縣志

卷之七

國朝

知府王琦墓

在縣南二十五里龍香坡
進士李弘敏誌

知府王迎墓

在縣南趙康鎮

烈女衛好艾墓

在南賈廂王村莊

烈女王興娥墓

在縣南北眾村

祀鄉賢知縣李弘敏墓

在縣東二十里南賈村東北
御史王奐曾誌

祀鄉賢知縣王錫韓墓

在縣西十里賈岡村東南
御史王奐曾誌

贈吏部郎中王履浩墓

在縣西高陽李文勤壽誌
學士曹路村南

稷祥

周敬王六年龍見於郊今縣龍谷水其地也

貞定王三年地震

考王八年彗星見

十三年桃杏冬實

威烈王三十年冬十一月有大火下於晉北方其聲如

鼓

漢安帝延光二年三月大風拔樹

桓帝永壽二年七月地裂

太平縣志

卷之七

二十五

靈帝建寧四年五月雨雹 地裂

晉武帝太康元年五月雨雹傷麥豆

魏宣武帝正始元年甘露降於九原山是年為梁武帝天監三年武帝有疾

使臣朱明月求甘露於九原山得之

唐太宗貞觀二十一年秋旱

穆宗長慶四年好妨害稼

懿宗咸通六年正月大風拔木 十二月地震

八年正月丁未地大震

宋太祖建隆四年六月蝗

太宗太平興國七年春旱

金衛王大安元年地震

元成宗大德七年秋七月地大震

九年地震

平陽改晉寧路在此時

十八年春三月庚子妖兵破城

焚文宣王廟殺掠人
民存僅二百餘家

順帝至正二十七年正月己未夜聞天鼓鳴

明英宗正統六年大饑

憲宗成化二十一年蝗飛蔽日

禾穗樹葉食之殆盡民
不聊生多轉於溝壑者

武宗正德十四年大有年

秋禾一本三穗者三
之一兩穗者幾半

太平縣志

卷之七

二十六

世宗嘉靖八年春正月朔雨黄沙歲大稔

十一年大旱

十五年雨雹傷禾

平地深尺許

二十年夏日食既太白晝見

二十四年四月十一日午時鄉雲五色見日邊

長二丈許

廣二三尺
良久乃散

三十四年十二月十三日子時地大震

官民房舍損
者十之六人

畜壓死
甚衆

四十四年旱

穆宗隆慶二年大旱

神宗萬曆八年彗星見于東約二丈月餘方息

十一年大雨雹

十三年春隕霜 秋大旱

十四年大荒野無青草斗米銀三錢民削樹皮以食餓盈野瘟疫盛行死者枕藉

十五年荒

十六年旱疫歷年天災不絕死者無算兒方墮地棄之中野上聞發帑金賑之

二十五年八月池塘水溢說者謂之水淫主秋雨果應

二十七年大旱斗米銀二錢半山川草木無復寸皮母子夫妻相抱而立斃者多矣

太平縣志

卷之七

二十七

三十五年秋大稔

四十一年水灾

烈帝崇禎元年秋旱

二年大旱民饑冬有寇警

三年三月二十六日兵燹至陝中賊自豁都谷出焚殺諸鄉歲無寧日後直

薄城下魏令親操火器禦之創建磚城始此邑人王椿有禦寇疏奏為流寇披猖蚤救災黎事臣邑

山西太平今歲三月被流賊數百餘人突入鄉村橫恣搶掠以至五月七月十月臣方恪職秋曹不遑

家乃忽于本月十二日見臣同縣兵部主事張鯨化遣義男張定入京上疏而且貽手書于臣謂賊此時

正在臣邑左近猖狂其西北諸鄉如故城鎮尉村膏腴中黃西安西姚盤道數十餘莊廬舍俱燼屍骨橫

鋪臣邑斗大一城特知縣魏公韓膽智可以護守然
無兵無餉力寡難支伏望特諭揀此阡危責成臣
驅賊務欲其盡奏報必歸于確母以紙上之空談
罔裨當局之實用臣可勝悚慄激切待命之至

六年大旱 冬十月鷄鳩至 雉體鼠足不能樹棲飛

地之

七年大荒 民食榆皮槐豆蒺藜子以救須臾

八年大饑

九年四月奉旨發帑金二萬賑濟

十一年蝗

十二年旱蝗

太平縣志

卷之七

十三年大旱汾水竭 饑民自南而北逃者不絕

十四年大荒 斗麥銀一兩米八錢城中罷市人相食

十六年十二月多風霾 次春闖寇入城追餉縉紳刑酷三木毀舊家牌坊運木石

于西安至十月敗歸席捲關城居民而去得生回者僅十之二三

十七年三月日暈 有如四日

國朝

世祖章皇帝順治四年蝗

五月秋七月大雷雨 汾水漲溢兩岸樹梢皆沒

六年十月初八日更樓擊鼓火出 是年以大同姜襄之叛正官逃去府

營旗鼓官李長春來攝打拆南北東三關未旬日土賊入城殺之人以為鼓妖之應比大兵攻降而市塵已成瓦礫矣

八年冬十月朔晝晦

十一年春流星貫月食頃方退

獲豹豹在蒿村樹上射之隕

今上康熙元年夏五月有星貫月三日初昏月在兌有星

穿月而出

秋八月霽雨

牆屋坍塌或借祠廟以居

四年夏五月太白經天

秋九月彗星見

七年春正月彗星見

夏六月太白經天十七日地

震

太平縣志

卷之七

二十九

十年四月二十五日大風折先師廟柏

十一年秋穀瑞

一本二穗三穗者所在有之

蝗夜過不為災 有星晝見

十四年冬有盜殺人于先師廟

十七年秋七月霽雨

一夕舊牆老屋塌毀幾盡

九月大雪

合抱之樹至有壓折者

十八年秋八月霽雨

牆堡修補已完者復毀

十九年冬十二月長星見

二十一年秋八月霜殺穀

二十二年夏四月有霜

二十三年秋霽雨四十餘日

三十一年壬申春不雨

三十二年癸酉元日日食

三十四年乙亥夏四月地大震

初六之夕忽有聲自西北來俄頃屋宇皆

如鋪地者塵漲迷天人有壓死者至歲終不止
上命戶部尚書馬齊賈帑金賑之

三十八年庚辰夏虫灾

五十六年十二月十一日日有冠文有兩珥

初學記曰日冠

者如半暈也法當在日上
有冠文有兩珥者尤吉

太平縣志

卷之七

三十

五十八年二月二十一日日有冠文

五十九年春風霾

流傳人家塔砌及器物上見有錢踪

六十年夏旱無麥

去年穀豆薄收至是比舍饑甚啼號而死者日有之

六十一年夏旱

秋虫蝨傷禾甚他邑歲頻饑民大苦

十一月十五日冬至二十二日雨

雍正元年夏旱收薄

二年春愆雨收薄

三年雨暘時若名歌大有

雜志

淮南子云伯益鑿井而龍登玄雲神棲崑崙

周威烈王時晉有三大犬率衆犬數萬聚于絳殺一犬于東方一犬于西方

晉惠公元年改葬恭太子申生秋狐突適下國遇太子太子與載而告之曰夷吾無禮余得請於帝矣將以晉畀秦秦將祀余對曰臣聞之神不歆非類民不祀非族君祀無乃殄乎且民何罪失刑乏祀君其圖之君曰諾吾將復請七日新城西偏將有巫者而見我焉許之遂

太平縣志

卷之七

三十一

不見及期而往告之曰帝許我罰有罪矣敝於韓

晉文公時宰人上炙而髮繞之文公讓宰人宰人曰臣有死罪三援礪砥刀利猶干將肉斷而髮不絕臣之罪一也援椎貫髮而不見髮臣之罪二也奉炙爐炭肉盡赤紅炙熟而髮不焦臣之罪三也堂下得微有嫉臣者乎乃召其黨詰之果然誅陰繞髮者

文公之爲盟主也崇大諸侯之館館如公寢圻人以時平易道路諸侯賓至甸設庭燎巾車脂轄隸人牧圉各贍其事賓至如歸焉卽此見當日宮室館宇所在閎侈

雖方伯之都不啻帝畿之富麗也

隋王度文中子兄也大業九年以御史出兼芮城令令廳前有一棗樹圍可數丈不知幾百年矣前後令至皆祀謁此樹不則殃禍立及度曰妖由人興淫祀宜絕縣吏皆叩首請度不得已爲之一祀然陰念此樹當爲精魅所托人不能除養成其勢乃密懸古鏡于樹其夜二鼓許聞廳前磊落有聲若雷霆者起視之則風雨晦冥纏繞其樹電光晃耀忽上忽下至明有一大蛇紫鱗赤尾綠頭白角額上有王字身被數創死于樹下度命出蛇

焚于縣門仍掘樹樹心有一穴入地漸大有巨蛇蟠泊之迹妖遂絕其年冬度持節河北道開倉賑給陝東時天下大饑百姓癘疫度使小吏張龍駒持鏡照之諸病者皆愈其夜龍駒夢一人朱衣紫服曰我鏡精也名曰

紫珍

元某歲久不雨時縣民有陳氏某者殺其兄行賄緩獄蔓引逮繫者三百餘人至五年不決平陽路總管府判官王惲鞠之一訊卽得其實乃盡出所逮者是夕大雨張雲翼爲諸生時恒嗜奕一日對局倦假寐几間夢關

帝訶曰不讀書只下棋張驚寤心凜然及登第後叅政
滇南還次粵西時有寇戒擬詰旦候同鄉某爲護持計
夜半僕輩覺門外有步履聲潛窺之則帝金甲綠袍峻
聲曰我亦同鄉何不見我卒無虞而歸

李蒙養字聖堦小字卯丁積學力行久不遇夢神授以
一聯云石兔遇犬送蒼龍得雲飛至天啟丁卯年逾五
十果與本社師望雲同舉於鄉本房爲苟好善先生始
知神言之徵

國朝順治五年大雷雨汾流高漲及水落灘出突有轍跡

兩條蜿蜒而抵于河人皆神之

趙敏爲諸生將應舉夢人持一試卷授之曰此不中式
卷也指旁數兒謂此汝同年敏常念不中安有同年何
當更此卷者至順治戊子夢前所夢人復持一試卷曰
易前卷此中卷也榜發同捷爲王公而潛李公弘敏鄭
公明良俱少敏二十內外歲憶初夢正其兒時

近年有營葬穿壙而遇古穴者窺其甃砌堅緻采繪人
物之狀完好如初尸體衣佩仰卧在牀有若寢息衾褥
枕席都未損動或以幽室久閉未可輕入及入之觸風

輒化前之所見一切如掃亦不知何時有此葬法說者
疑爲金元間事然史傳中亦未之見也

太平縣志卷第七終

太平縣志

卷之七

三十四